

Bosna i Hercegovina  
Federacija Bosne i Hercegovine  
TUZLANSKI KANTON

**OPĆINSKI SUD U TUZLI**

Broj: 032-0-Su-24-000 877/11

Tuzla, 06.11.2024.godine

Na osnovu člana 31. Zakona o sudovima u Federaciji Bosne i Hercegovine (“Službene novine Federacije BiH”, broj: 38/05, 22/06, 63/10 i 72/10), člana 70. i 89. Zakona o javnim nabavkama („Službeni glasnik BiH“, broj: 39/14, 59/22 i 50/24 ) i Preporuke Komisije za javnu nabavku u postupku nabavke Nabavka robe - nabavka licenci za MS Office Home and Business 2021, u količini od 25 (dvadesetpet) komada, broj: 828-7-1-18-3-17/24, predsjednik suda d o n o s i :

**ODLUKU**

**o izboru najpovoljnijeg ponuđača  
za nabavku roba - nabavka licenci za MS Office Home and Business 2021  
putem konkurentskog zahtjeva**

**Član 1.**

**Predmet odluke**

**I**

Stavlja se van snage Odluka o izboru najpovoljnije ponuđača za nabavku roba – nabavka licenci za MS Office Home and Business 2021 putem konkurentskog zahtjeva broj 032-0-Su-24-000 877/8 od 11.10.2024. godine u cijelosti.

**II**

Prihvata se preporuka Komisije za javne nabavke broj: 032-0-Su-24-000 877/11 od 06.11.2024.godine i Ugovor za javnu nabavku se dodjeljuje ELUR d.o.o. Kiseljak, Žrtava domovinskog rada 2, 71250 Kiseljak, za ponudenu cijenu u iznosu od 12.775,00 KM (dvanaesthiljadasedamstotinasedamdesetpet konvertibilnih maraka) bez PDV-a odnosno od 14.946,75 (četnaesthiljadadevetstotinačetredesetšest konvertibilnih maraka i 0,75 pfeninga sa PDV-om, kao ponuđaču koji je na konačnoj rang listi ponuđača koji su učestvovali u E-aukciji nalazi na četvrtom mjestu, a prema dostavljenom Izvještaju sa portala E-nabavke.

**Član 2.**

**Prijedlog ugovora**

Ugovor o javnoj nabavci roba - nabavka licenci za MS Office Home and Business 2021, dostavit će se na potpis izabranom ponuđaču u skladu sa članom 89. Zakona o javnim nabavkama („Službeni glasnik BiH“, broj: 39/14, 59/22 i 50/24 ), odnosno po proteku roka od 15 dana računajući od dana kada su svi ponuđači obavješteni o izboru najpovoljnijeg ponuđača.

## **Član 4**

### **Objavljivanje odluke**

Ova odluka objavit će se na web/internet stranici Općinskog suda u Tuzli istovremeno sa upućivanjem obavijesti ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14, 59/22 i 50/24).

## **Član 5**

### **Stupanje na snagu**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama („Službeni glasnik BiH“, broj: 39/14, 59/22 i 50 /24).

## **O b r a z l o Ź e n j e**

Postupak javne nabavke pokrenut je odlukom predsjednika suda o pokretanju postupka javne nabavke roba - nabavka licenci za MS Office Home and Business 2021, broj: 032-0-Su-24-000 877 od 18.09.2024.godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 12.820.51 KM bez PDV-a odnosno 15.000.00 KM sa PDV-om. Obavještenje o nabavci broj: 828-7-1-18-3-17/24 je objavljeno na Portalu javnih nabavki dana 18.09.2024. godine i u Službenom glasniku BiH broj: 63/2024 dana 20.09.2024.god. Rok za prijem ponuda je bio 04.10.2024. godine do 09,00 sati. Komisija za javne nabavke imenovana je Odlukom predsjednika suda, broj: 032-0-Su-24-000877/1 od 18.09.2024. godine. Komisija je dana 11.10.2024.godine predsjedniku Općinskog suda u Tuzli dr.sci. Muhamedu Tulumoviću dostavila:

- Zapisnik sa otvaranja ponuda na obrascu u skladu sa Zapisnikom o otvaranju ponuda i uputstvom o načinu vođenja zapisnika o otvaranju ponuda („Službeni glasnik BiH“, broj: 90/14)
- Izvještaj sa portala E-nabavke o okončanoj E-aukciji sa rangiranjem kandidata
- Preporuka o izboru najpovoljnijeg ponuđača

U daljem postupku po Zapisniku komisije utvrđeno je da je Komisija za javnu nabavku blagovremeno i pravilno izvršila otvaranje ponuda, te ocjenu i pregled prispjelih ponuda, o čemu je sačinila odgovarajuće zapisnike u kojima je utvrđeno slijedeće:

- Ukupan broj pristiglih ponuda 4 (četiri)
- Broj blagovremeno zaprimljenih ponuda 4 (četiri)
- Broj prihvatljivih ponuda 4 (četiri)
- Neprihvatljivih ponuda nije bilo.

Komisija za javne nabavke je konstatovala da prispjele ponude ponuđača:

1. “ELUR” d.o.o. Kiseljak, Žrtava domovinskog rata 2., 71250 Kiseljak  
dana 26.09.2024. godine u 11,05 sati.,
2. “DIGITARIJA”d.o.o. Sarajevo, Zmaja od Bosne 14 c, 71000 Sarajevo,  
dana 30.09.2024. godine u 9,30 sati,
3. “IMTEC” d.o.o. Sarajevo, Stari Ilijaš 201, 71380 Ilijaš,  
dana 02.10.2024.godine u 09,30 sati i
4. “SECCOM SECURITY” doo Tula, Zmaja od Bosne 26,  
dana 04.10.2024.g. u 08,30 sati.

ispunjavaju formalno-pravne uslove odnosno uslove ugovornog organa definisane u tenderskoj dokumentaciji. E-aukcije putem portala E-nabavke, zakazana je za dan 11.10.2024. godine u 14,00 sati, a po okončanoj E-aukciji dostavljen izvještaj o rezultatima sa listom rangiranja ponuđača.

Prema dostavljenom izvještaju o toku i završetku E-aukcije, konačna rang lista ponuđača koji su učestvovali u E-aukciji je:

1. SECCOM SECURITY DOO TUZLA za konačnu cijenu od 10.489,00 KM, bez PDV-a
2. IMTEC D.O.O. SARAJEVO za konačnu cijenu od 10.499,00 KM, bez PDV-a
3. DIGITARIJA D.O.O.društvo za zavjetovanje i usluge u informatici za konačnu cijenu od 12.700,00 KM, bez PDV-a
4. ELUR D.O.O.Kiseljak, za konačna cijena 12.775,00 KM, bez PDV-a

Nakon dostavljenog izvještaja, donesena je Odluka o izboru najpovoljnijeg ponuđača broj: 032-0-Su-24-000 877/8 od 11.10.2024. godine, kojom je SECCOM SECURITY d.o.o. Tuzla, Zmaja od Bosne 26, kao prvorangirani ponuđač, proglašen za najpovoljnijeg ponuđača.

Nakon uredno zaprimljene Odluke o izboru najpovoljnijeg ponuđača, blagovremeno dostavljene dokumentacije tražene tenderskom dokumentacijom, dana 29.10.2024. godine, SECCOM SECURITY d.o.o. Tuzla, ovom sudu dostavio dopis u kojem navodi, da je dana 11.10.2024. godine dobio Odluku o izboru za najpovoljnijeg ponuđača za nabavku roba-nabavka Licenci za MS Office Home and Busines 2021 putem konkurentskog zahtjeva. Da je nakon dobijanje odluke, pokrenuo postupak nabavki pomenutih licenci, ali da je od dobavljača, a koji je ovlašten i certificirani Microsoft Partner, da su sve licence MS Office Home and Business 2021 povučene sa tržišta, radi izlaska nove licence MS Office Home and Business 2024, te da su samo nove licence dostupne na tržištu. Isto tako zatražili su informaciju od ovlaštenog Microsoft Partnera da su licence u suštini iste, sve funkcionalnosti i kompatibilnosti sa prethodnim programima su ostale nepromijenje, sa dodatkom nekoliko novih funkcionalnosti. Naveli su da ne postoji mogućnost da licence MS Office Home and Business 2024 utiču na bilo koji segment poslovanja. Zatražili su odobrenje da umjesto licenci MS Office Home and Business 2021 isporuče nove licence MS Office Home and Business 2024. Uz dostavljen dopis ponuđač SECCOM SECURITY d.o.o. Tuzla, dostavio je Potvrdu ovlaštenog Microsoft distributera u BiH KimTec od 28.10.2024. godine, kojom se potvrđuje da je: Office Home and Business 2021 je End Off Life(EOL) i nije više dobavljiv. Dostupna je nova verzija FPP Office Home and Business 2024 English CEE, EP2-06636. Uključuje aplikacije u verziji 2024: Word, Excel, PowerPoint, Outlook i Onenote. Kompatibilan je sa Microsoft operativnim sistemima Windowx 11, Windows 10 ili sa macOS. Radi sa Microsoft Teams.

Dana 30.10.2022. godine u 11,00 sati zakazan je sastanak svih članova komisije za javne nabavke na kojem su svi članovi upoznati sa dostavljenom dokumentacijom od strane ponuđača SECCOM SECURITY d.o.o.Tuzla, nakon kojeg je jednoglasno donesena odluka da se provjeri da li ponuđači koji su učestvovali u postupku javne nabavke imaju na stanju navedenu licencu, da se uporede karakteristike licenci MS Office Home and Business 2021 i MS Office Home and Business 2024, koji podaci da se pribave od ovlaštenog distriburera za Microsoft proizvode za BiH.

Ponuđačima koji su učestvovali u E-aukciji i to: IMTEC D.O.O. Sarajevo, DIGITARIJA D.O.O. Sarajevo i ELUR D.O.O.Kiseljak, upućen je e-mail kojim su pozvani, obzirom da najuspješniji ponuđač nije u mogućnosti izvršiti nabavku licenci MS Office Home and Business 2021, da se izjasne da li imaju na stanju navedenu licencu i da li mogu ispuniti obaveze iz ugovora, obzirom na činjenicu da nabavke licenci na tržištu nije moguća.

DIGITARIJA d.o.o. Sarajevo, dostavila je odgovor da je došlo do gašanje proizvoda MS Office Home and Business 2021, da je novi proizvod MS Office Home and Business 2024 istih karakteristika i bolji, te da mogu obezbjediti samo novi proizvod, pa ukoliko se odlučimo za nabavku ove licence isti bi obezbjedili dokaze/izjavu ovlaštenog distributera za Microsoft proizvode za BiH.

IMTEC d.o.o. Sarajevo je dana 05.11.2024. godine dostavio obavještenje da nije u mogućnosti isporučiti licence za MS Office Home and Business 2021, obzirom da iste više nisu dostupne na tržištu. Takođe su ponudili ekvivalent istih i biljih specifikacija MS Office Home and Business 2024, uz koji mogu obezbjediti izjavu ovlaštenog distributera za Microsoft proizvode za BiH.

ELUR d.o.o. Kiseljak je dana 31.10.2024. godine dostavio obavještenje u kojem je naznačio da oni mogu isporučiti MS Office Home and Business 2021 ukolični od 25 komada odnosno da mogu ispuniti sve obaveze iz ugovora.

Ovlašteni Microsoft distributeri u Bosni i Hercegovini i to: Comtrade Distribution d.o.o. Sarajevo, ulica Džemala Bijedića 179. i KimTec d.o.o. Bulevar srpske vojske 17, Banja Luka, obavijestili su da je od 01.10.2024. godine na tržištu dostupna nova verzija MS Office Home and Business 2024, uz koju je KimTec dostavio i obavijesti od Microsofta. Comtrade Distribution d.o.o. Sarajevo je dostavilo izjavu kojom je potvrdilo da je proizvod Microsoft Office Home and Business 2021 od 01.07.2024. godine ušao u fazu End of Life, odnosno prestalo se sa proizvodnjom te verzije, a da je nova verzija Office licence je Microsoft Office Home and Business 2024.

Nakon prikupljenih informacija sačinjena je službena zabilješka 032-0-Su-24-000 877/10 od 06.11.2024. godine, o načinu pribavljanja dobijenih informacija, pa je nakon toga sačinjena Preporuka broj: 032-0-Su-24-000 877/10 od 06.11.2024. godine kojom se zatražilo od predsjednika suda da Preporuka broj: 032-0-Su-24-000 877/7 i Odluku o izboru najpovoljnijeg ponuđača broj: 032-0-Su-24-000 877/8 od 11.10.2024. godine stavi van snage, a da se za najpovoljnije ponuđača za nabavku licenci za MS Office Home and Business 2021 izabere ponuđač ELUR d.o.o. Kiseljak, koji je kao učesnik u postupku javne nabavke nakon provedene e-aukcije rangiran na četvrtom mjestu s ponudenom cijenom od 12.775,00 KM (dvanaest hiljadasetamstotinasedamdesetpet konvertibilnih maraka) bez uračunatog PDV-a, odnosno sa uračunatim PDV-om 14.946,75 KM (četnaest hiljadadevetstotinačetdesetšest konvertibilnih maraka i 0,75 pfeninga), uz obrazloženje da je jedini ponuđač koji može nabaviti licence za MS office Home and Business 2021.

U postupku ocjene provedenog postupka, predsjednik suda nije našao razloge nepravilnosti niti propuste u radu koji bi eventualno bili osnov za neprihvatanje Preporuke Komisije za javnu nabavku. Naime, u postupku je ocjenjeno da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom predmetnog postupka.

U skladu sa navedenim odlučeno je kao u dispozitivu rješenja.

**POUKA O PRAVNOM LIJEKU:** U skladu sa članom 101. stav 5 Zakona, protiv ove odluke može se izjaviti žalba ugovornom organu, najkasnije u roku od 5 (pet) dana od dana prijema ove odluke.

Dostavljeno:

- Ponuđačima
- Komisija
- Su a/a

